

Hi'it An mai Na'i Jezús,
mundu hein Ita atu lori
moris, roman no
esperansa



**Hahú Adventu no
fó bensen ba koroa**

FIGLIE DI MARIA AUSILIATRICE (TIN)



Adventu 2021

L1: Semana ida ne'e ita hahú
tempu Adventu nian. Ita prepara
an atu selebra Jezús nia moris,
Nia mak mundu nia roman. Ita
nonok uitoan atu hanoin ba
nakukun no ba ita-nia deseju
roman nian.

L2: Adventu: tempu mudansa no
tempu atu hein Na'i ne'ebé sai boot
iha mundu ho tubuk foun
esperansa, justisa no damen nian,
ho tempu foun salvasaun nian,
ne'ebé konvida ita atu tau matan ba
malu, hodi fiar katak tempu sei iha
atu hala'o dezisaun sira, kedas (*kf LS*
161) hodi la'o hamutuk ba hasoru
futuru di'ak liu.

L3: Iha tempu ida ne'e ita hanoin fali katak ita-nia Kriadór bolu família umana atu sai kriaun nia administradór, maibé ita haluha bolun ida ne'e. Ita-nia mundu, manas ba daudaun, foer ba daudaun no besik atu mate, aumenta possibilidade terus nian. No sira ne'ebé vulnerável liu mak terus liu.

**H: Hi'it An mai Na'i Jezús, mai
atu nakfilak ami-nia mundu
iha uma ida iha ne'ebé bele
hela, simples, fraterna. Ami
hakarak tulun atu kuda iha
ami-nia komunidade sira
esperansa ba futuru di'ak liu.**

G: Haklaken katak ita proklama buat ruma ho lian maka'as atu ema hotu bele rona. Ita haklaken katak iha Adventu ita prepara dalan nafatin ba ita-nia Maksoin, maibé ita haklaken mós katak **Moris nia Maromak hakarak ita sai matan moris neon na'in.**

**H: Na'i, tau Ita-nia tenda iha
ami-nia mundu ne'ebé
hamrook ho justisa,
fraternidade no esperansa.**



FIGLIE DI MARIA AUSILIATRICE (TIN)

L: Ó la haree, ó la rona? Na'i sei hi'it
An mai daudaun! Nia mai ho
nonok, Nia la hakilar, Nia haraik
An.

H: imi hotu mai, ita ba hasoru Na'i

G1: Se ita buka Nia, ita sei hetan, se
ita hateke, ita sei haree Nia, se ita
prepara dalan ida, Na'i sei hi'it An
mai.

H: Ita buka Ida ne'ebé atu mai!

G1: Se ita matan moris, Na'i sei la
halo ita hakfodak, se ita reza liu
no di'ak liu, Na'i sei mosu

H: Ita prepara dalan ba Na'i!



G2: Ita buka dalan ne'ebé lori ba
Na'i, tanba Maromak haraik mai
ita matan atu haree Nia, ain-tuur
atu adora Nia, fuan ida atu
hadomi Nia no liman sira atu
tulun Nia no hahi'i Nia

H: No ain atu la'o hamutuk ho Nia

G: Ita hananu hamutuk ita-nia ksolok
no ita-nia haka'as an atu prepara ba
Jezús uma interiór ida ne'ebé
hakbesik Nia ba ita no ba ita-nia
maluk sira, hotu-hotu membru uma
komun nian.

Kantu:

L: 1Tes 3,12 – 4,2

Na'i halo boot liu tan imi nia domin ba malu no ba ema hot-hotu, hanesan ami hadomi imi. Nune'e Nia sei hametin imi nia fuan atu sai los no santu iha Maromak no Aman nia futar oin, wainhira ita Na'i Jesus fila hikas mai hamutuk ho santu sira hotu. Moris ne'ebé monu los ba Maromak nia laran Ikus mai, maun alin sira, imi hatene ona husi ami oin sai imi sei moris atu monu los ba Maromak nia laran. Los duni, imi moris ona hanesan ne'e. Ohin, iha Na'i Jesus Kristu nia naran, ami husu imi atu moris diak liu tan. Basa imi hatene doutrina ne'ebé ami fo ba imi hodi Na'i Jesus Kristu nia kbiit.

G2: Adventu mak tempu liturjiku atu
prepara ba Jezús nia hi'it An mai iha
mistériu Natál

2: Adventu la'ós hanoín ba momentu ne'ebé
Jezús moris mai, tinan 2000 liu ba, maibé
Nia mai beibeik, loron-loron, hodi hein Nia
hi'it An mai ikus.

3: Adventu mak tempu Maria nian, ne'ebé ho
ninia sim jenerozu hahoris Roman rohan
laek ba mundu, Jezús Kristu.

**H: Hi'it An mai, Na'i, keta hein tan, ami sei
tulun atu tau matan ba tubuk foun moris
nian iha ami-nia uma komun.**



G: Ohin, nu'udar komunidade salesiana, ita halibur hamutuk iha Na'i nia naran no iha koroa Adventu nia oin: ami sei rega aminia moris interiór ho Maromak nia Liafuan e no empeñu atu moris tuir no halo buras hamutuk.

G2: Lilin sira ne'ebé ita sei sunu, fó hanoin mai ita katak Jezús mak mundu nia Roman. Koor verde duut nian mak koor moris no esperansan nian, tanba ita bele nakfilak ita-nia atitude hasoru mundu iha ne'ebé ita moris hela.

G3: Nune'e, ita prepara an atu simu Natál nia roman, Moris mak mosu, ho Jezús it abele halo foun buat hotu.

**Ema no Rai nia hakilar mak haklaken:
Hi'it An mai, Na'i Jezús
HADEER BA!**



Halakan roman esperansa, justisa no damen nian

G: Semana dahuluk ida ne'e husu mai ita atu matan moris ho rai no kiak sira nia hakilar, no hamutuk ho kria saun tomak ita hein moris nia Maromak, ne'ebé moris iha kalan ida nakonu ho fitun no iha kiak no marjinadu sira nia leet.

**H: Mai, Na'i, keta hein tan, rega ami-nia moris ho ita-nia Liafuan esperansa, empenú no perseveransia nian.
Mai no hela hamutuk ho ami.**

Kantu:...





**G: Ohin loron, ita tenke rekoñese
katak abordajen ekolójika loloos
sai nafatin abordajen sosiál ida, ne'ebé sei integra
justisa iha debate-sira kona-ba meiu-ambiente,
atu bele rona rai nia halerik
no ema kiak nia halerik (*LS 49*)**

L: Lk 21,25-28.34-36



FIGLIE DI MARIA AUSILIATRICE (TIN)

Ema ida sunu lilin dahuluk no komunidadade reza hamutuk orasaun ne'ebé tuir mai:



Na'i, ami sunu lilin ida ne'e,
hanesan ema ida ne'ebé lakan ninia ahi-oan
no sai ba liur atu hein ninia belun ne'ebé
mai daudaun.

Iha Adventu nia semana dahuluk
ami hakarak hader atu pronto
simu Ita ho ksolok. Lalatak barak haleu ami.

Tentasaun barak halo ami dukur, hakilar barak halo ami
sai bilán, maibé ami hakarak hatán ba rai nia hakilar ho
empeñu atu tau matan ba ambiente naturál sira no ba kiak nia
hakilar hodi oferese ami-nia roman solidariedade, respeito no
atitude simu nian. AMEN

KANTU:

**H: Ami hakarak matan moris no neon na'in
tanba Ita mak lori roman nabilan liu,
damen ne'ebé kle'an liu no ksolok ne'ebé
loos liu. Mai Na'i Jezús! Mai Na'i Jezús**

G: Maria, Inan ne'ebé hein

H: Harohan mai ami

G: Na'in Feto kriasaun nian

H: Harohan mai ami